



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**De Tribvs Dagobertis Francorvm Regibvs Diatriba  
Godefridi Henschenii E Societate Iesv**

**Henschenius, Godefridus**

**Antverpiae, 1655**

XVIII Regnum Chlodouei III. Diploma datum S. Papoleno Episcopo, Abbatii  
Stabulensi & Malmundariensi.

**urn:nbn:de:hbz:466:1-9599**

## XVIII

*Regnum Chlodouei III. Diploma datum S. Papo-  
leno Episcopo, Abbatii Stabulensi & Malmun-  
dariensi.*

**Q**uemadmodum à morte Chlodouei II tres eius filij adhuc paruuli superfuerunt, Chlotharius III, Chidericus & Theodericus, omnes dein regnum Francorum assediti; ita Theoderico anno 1090 vitâ functo, filioli parui relikti sunt, Chlodoueus III & Childebertus. Auctor coævus historiæ iussu Childebrandi scriptæ apud Fredegarium ca. 101, de regno Chlodouei hæc tradit: *Mortuus est Theodericus Rex, regnauit autem annos XIV. Chlodoueum filium eius parvulum elegerunt in regnum. Non post multos verò annos predictus Rex Chlodoueus ægrotans mortuus est. Regnauit autem annos IV. Hos cuncti passim Chronologi admittunt: & quidem ex iudicio Baronij ab anno 1088 ad 1092; Sirmondi, Petauij, Bucherij, Miræi, & aliorum ab anno 1090 ad 1094. à quo primùm anno regnasse usque ad 1098 Clodoueū II ex ipsis annis Theoderici fratrumque conuincimus, & infrà in annis regni Childeberti confirmabimus. Malebrancus contendit eum biennio ante patrem Theodericum obiisse, & simul cum eo annos IV regnasse. Historiæ iussu Childebrandi scriptæ assentiuntur Annales Metenses his verbis: *Theoderico mortuo, filius eius parvulus, nomine Chlodoueus, à Pippino ordinatur in Regem. Qui dum quartum annum in regno compleset, innocensem vitam finiuit. Tempora huius pueruli Regis sub regimine Pippini videntur fuisse prorsus quieta,**

T 2.

ac

ac vix vllis rebus gestis illustria. Nicolaus Camuzatus in Promptuario Tricassino post Vitam S. Bercharij Abbatis Deruensis pag. 82 mentionē facit cuiusdam diplomatis ab Episcopo Catalaunensi dati *Remis xv Februarij anno 11 Chlodouei Regis*, cuius præcipuæ clausulæ in cōpendium redacte & cōtracte ex indice titulorū chartarij referūtur his verbis: *Priuilegium datum à Bertoëndo Episcopo Cathalaunensi ad rogatum claræ memorie Chlodouei Regis & Pippini Maioris-Domus regiae, in quo idem Episcopus dat nobis electionem Abbatis & Abbatissæ, tam in nostro quam in puellari monasterio.* Annus II Chlodouei in Februario conuenit in annum Chr. 1096. Idem Chlodoueus diplomate etiam anno II regni signato, Papoleno monasteriorum Stabulai & Malmundarij Abbati quādam bonorum commutationem confirmat, & vnā comprobat, stabilitque tempora S. Goduni Abbatis, eique à Regibus DAGOBERTO & Theoderico suprà memorata priuilegia fuisse indulta. Ipsum diploma extat sub hoc titulo in codice Bambergensi:

*Exemplar Præcepti Chlodouei Regis, dati Papolino Abbatì de quadam commutatione.*

*Chlodoueus Rex Francorum illustri Aerico Duci & Charieuio Comiti. Quoties inter anteriorum Regum Celsitudinem & congregationem sanctam monachorum per instrumenta chartarum, de qualibet re facta fuerit commutatio, oportet scripturarum seriem inter partes per nostram præceptionem conuenire. Ideò vir Apostolicus Dominus & Pater noster Papolenus Episcopus Clementiam regni nostri suggessit, eò quod Dominus noster & auunculus Childericus quondam Rex,*

Rex, una cum antecessore suo Domno Remaglo Episcopo quondam vel suis monachis, ubi ipse ad monasteria Malmunderio & Stabulao Custos esse videtur, locella aliqua commutassent. Unde accepit pars Domini & Auunculi nostri Childerici quondam Regis locellum, cui nomen Athetas, cum hominibus ibidem commanentibus, & omne peculiare eorum vel terras eorum, quas excolere videntur, his nominibus, Radefrido cum nepotibus suis, Berthramno, Gisloberto, Aganulfo, item Radefrido, Sigofrido, Rigoberto. Pro ipsâ re in commutatione ipse Pontifex accepit de fisco nostro locellum, qui dicitur Maipa cum hominibus ibidem commanentibus his nominibus, Adolino, Altone & VVinsgario, cum terris, quas excolere videntur, & omne peculiare eorum, ut hæc pars ipsi Pontifici & suis monachis in perpetuo tempore debeant permanere. Unde & commutationem ipsius Principis etiam suis manibus roboratam nobis in presenti ostendit relegendam. Quod pro firmitate studuimus petitiones eorum plenius circa ipsa monasteria vel congregationem sanctam confirmari præceptum. Cui nos hoc beneficium præstissemus vel confirmassemus & in omnibus concessisse cognoscite. Præcipientes enim, ut quidquid constat per inspectam ipsam commutationem ipsius Principis iustè & rationabiliter inter ipsum, & gloriosum Dominum Remaglum iam dictum Pontificem fuit commutatum aut concambiatum, tam terris, curtibus, casis,

T 3

campis,

*campis, pratis, siluis, aquis, aquarumque decursibus, manci-  
piis, aedificiis vel reliquis rebus atque corporibus; Domus &  
Pater noster Papolenus Episcopus ad partem iam dicta mo-  
nasteria Malmundario & Stabulaco per nostrum Præceptum  
pleniū confirmato perennis temporibus habeat confirmatum  
atque indultum. Et ut hæc Præceptio nostris & futuris tem-  
poribus firmiorem obtineat vigorem, manus nostri signaculo  
subter eam decreuimus adfirmare. Signum Chlodouei gloriosi  
Regis.*

*Data quando facit mensis Iunius dies xxv, anno 11 regni  
nostrí. NamUCHO recognoui.*

Erat sigillum ex litteris regij nominis more illius æui ef-  
fictum. Annus signati huius diplomatis est 1099 aut se-  
quens, quando S. Goduino, vt diximus, mortuo, successit S.  
Papolenus, Episcopus Apostolicus ad prædicandum Euan-  
gelium, fundandasque Ecclesias creatus, qui Româ acce-  
ptum corpus S. Symmetrij Martyris, cum aliquibus Reli-  
quiis S. Andreæ Apostoli, in Belgum detulit, & Landerna-  
ci in templo parochiali, ac primariâ Stabulensis monasterij  
hæreditate depositum, vbi sacro cultu quotannis honoratur  
xxvi Maij. Est celebris quoque veneratio S. Baboleni a-  
pud Stabulenses & Malmundarienses die xxvi Iunij, cuius  
sacrum caput in sacrario Stabulensi adseruatūr. Hunc esse  
Papolenum in relato Chlodouei diplonate expressum in-  
dicauit nobis antè memoratus Dominus Benedictus delle  
Riue Sacerdos monasterij Stabulensis, eiusque archiui pre-  
fectus. Verùm hunc Papolenum arbitramur diuersum à S.  
Baboleno olim S. Columbani Abbatis discipulo, eiusque in  
mona-

monasterio Bobiensis successore, cui dein Fossatense ad Matronam fluuium in agro Parifino monasterium commissum est ab eius fundatore Blidegisfilo anno III Chlodouei II, Christi 10CXLVI. Ob cuius Baboleni præclaram virtutem Audobertus Parisiorum Episcopus monasterio eius Fossatensi dedit priuilegium immunitatis & exemptionis ab omni subiectione Episcoporum & Clericorum, anno Chlodouei V, Christi 10CXLVIII. Ea priuilegia, qui tum præerat vniuersæ Ecclesiæ, approbavit S. Martinus Pontifex Romanus. Huius S. Baboleni corpus etiamnum cùm sacrâ veneratione adseruatur in Fossatensi monasterio, quod ob S. Mauri reliquias eò translatas vulgo monasterium S. Mauri appellari diximus xv Ianuarij ad S. Mauri Vitam.



LIBER